

TEHNIČKI LIST 01.01.02 -BIH TEMELJNI PREMAZI

JUKOL PRIMER

dubinski temeljni premaz

1. Opis, upotreba

JUKOL PRIMER je na bazi polimernih mikroemulzija proizveden temeljni premaz, odnosno dubinsko impregnacijsko sredstvo

- za sve vrste fasadnih površina (mineralnih i drugih maltera, betona, vlakneno-cementnih ploča), a posebno ga koristimo prije bojenja akrilnim i silikonskim fasadnim bojama i prije ugradnje akrilnih i silikonskih dekorativnih maltera.

- za veoma upijajuće ili na neki drugi način problematične unutrašnje površine (gipsani malteri, gips-kartonske ploče, iverice i sl.), a posebno prije bojenja kvalitetnim disperzijskim bojama i prije kitovanja, odnosno prije finog gletovanja disperzijskim masama za izravnavanje i kitovima.

Premaz ne stvara film, prodire duboko u podlogu, egalizira je u pogledu upijanja vode, veoma povećava njenu vodoodbojnost i smanjuje rastvaranje u vodi brzo topivih soli na površini podloge ili tik ispod nje. Na podlogu veže prašinu i druge dijelove koji su se slabo primili za podlogu, a koje čišćenjem iz bilo kojeg razloga nismo mogli odstraniti.

2. Način pakiranja

plastične kante po 5 l

3. Tehnički podaci

gustoća (kg/dm ³)		~1,00
vrijeme sušenja T = +20 °C, rel. vl. zraka = 65 % (sati)	suho na dodir	~2
	prikladno za dalju obradu	~12
	da je postignuta otpornost na ispiranje padavinskom vodom	~24
sadržaj lako isparivih organskih tvari HOS (VOC) (g/l)		<11 direktiva EU VOC – kategorija A/g (od 01.01.2010): <30

glavni sastojci: stirenakrilatno vezivo, voda

4. Priprema podloge

Podloga mora biti tvrda, suha i očišćena od dijelova, koji su se slabo primili za podlogu, prašine, ostataka oplatnih ulja, masti ili druge prljavštine. Prije svega za veoma zaprljane fasadne površine, za sve betonske površine, te fasadne površine zaražene zidnim algama i plijesni preporučujemo pranje mlazom vruće vode ili pare – nakon pranja površinu obavezno dezinficiramo.

Novougrađene maltere i mase za izravnavanje u normalnim uslovima (T = +20 °C, rel. vl. zraka = 65 %) sušimo, odnosno pustimo najmanje 1 dan za svaki mm debljine, a za betonske podloge vrijeme sušenja je minimalno mjesec dana. Kod obnavljajućeg bojenja s podloge u cjelosti odstranimo sve stare slabo prihvaćene i u vodi lako topive slojeve, špricanja i druge dekorativne nanose.

Prilikom eventualnog krpljenja bilo kako oštećenih površina, koristimo samo postupke koji zakrpljenj površini, koliko je



to moguće, u pogledu hrapavosti osiguravaju visok stepen egaliziranosti.

5. Uputstvo za upotrebu

Proizvod prije upotrebe dobro promiješamo i razrijedimo s vodom, u omjeru 1 : 1. Količine koje su nam potrebne za premazivanje pojedinih ploha izračunamo ili procijenimo iz površine tih ploha i podataka o prosječnoj potrošnji, a u specifičnim slučajevima potrošnju određujemo mjerenjem na dovoljno velikoj testnoj plohi.

Nanosimo ga četkom prikladnom za nanošenje disperzijskih premaza, a možemo i sa dugodlakim krznenim odnosno tekstilnim molerskim valjkom (dužina dlaka odnosno niti je 18 do 20 mm; upotrebljivo je prirodno i umjetno krzno, te tekstilne obloge od različitih sintetičkih niti – poliamid, dralon, vestan, nylon, perlon ili poliester) ili špricanjem, u jednom sloju. Prilikom nanošenja valjkom upotrebljavamo odgovarajuću mrežicu za cijedenje.

Za špricanje možemo koristiti klasične visokotlačne i moderne niskotlačne pištolje različitih vrsta (s "vanjskim" ili "unutranjim miješanjem zraka"), a također i "airless" agregate najrazličitijih izvedbi, u vezi odabira prečnika mlaznica i radnog tlaka uvažavamo uputstva proizvođača. Pojedinu zidnu plohu bojimo bez prekida od jednog do drugog krajnjeg ruba. Uvijek prvo obradimo za standardan dugodlaki molerski valjak ili pištolj za špricanje nedostupne površine (uglovi, ćoškovi, žljebovi, uske špalete i sl.), a koristimo prikladne četke ili datim uslovima prikladne manje molerske valjke.

Bojenje je moguće samo u prikladnim vremenskim uslovima, odnosno prikladnim mikroklimatskim uslovima: temperatura zraka i zidne podloge neka ne bude niža od +5 °C i ne viša od +35 °C, a relativna vlažnost zraka ne viša od 80 %. Fasadne površine od sunca, vjetrova i padavina zaštitimo zavjesama, no i pored takve zaštite, po kiši, magli ili jakom vjetru (≥30 km/h) ne radimo.

Okvirna odnosno prosječna potrošnja (u zavisnosti od moći upijanja i hrapavosti podloge): JUKOL PRIMER 90 - 100 ml/m ²
--

Alat odmah nakon upotrebe temeljito operemo vodom, osušene fleke ne možemo ukloniti.

6. Zaštita na radu

Detaljnija uputstva u vezi rukovanja proizvodom, upotrebe lične zaštitne opreme, postupanja s otpadom, čišćenja alata, mjera za prvu pomoć, oznaka upozorenja, navoda upozorenja, komponenti koje određuju opasnost, izjava o opasnosti i sigurnosne izjave su navedeni u sigurnosnom listu proizvoda, koji možete pronaći na JUBovoj internet strani ili ga možete zahtijevati od proizvođača ili od prodavača. Pri ugradnji proizvoda je potrebno uvažavati i uputstva i propise iz zaštite pri građevinskim, fasaderskim i molerskim poslovima.

7. Skladištenje, uslovi transporta i rok trajanja

Skladištenje i transport pri temperaturi +5 °C do +25 °C, zaštićeno od direktnog izlaganja suncu, izvan dohvata djece, NE SMIJE SMRZNUTI!

Rok trajanja pri skladištenju u originalno zatvorenoj i neoštećenoj ambalaži: najmanje 12 mjeseci.

8. Kontrola kvalitete

Karakteristike kvalitete proizvoda određene su internim proizvodnim specifikacijama i slovenačkim, evropskim i drugim standardima. Dostizanje deklarisanog odnosno propisanog nivoa kvalitete već više godina u JUB-u osigurava se uvedenim sistemom cjelovitoga upravljanja i kontrole kvalitete ISO 9001, koji obuhvata dnevno provjeravanje kvalitete u vlastitim laboratorijima, a povremeno i na Zavodu za građevinarstvo u Ljubljani, te na drugim nezavisnim stručnim ustanovama u Sloveniji i inostranstvu. U proizvodnji proizvoda strogo poštujemo slovenačke i evropske standarde na području zaštite okoliša i osiguranja zaštite zdravlja na radu, što dokazujemo certifikatima ISO 14001 i OHSAS 18001.

9. Druge informacije

Tehnička uputstva u ovom prospektu data su na osnovu naših iskustava i sa ciljem da se pri upotrebi proizvoda postiču optimalni rezultati. Za štetu prouzrokovanu radi pogrešnog odabira proizvoda, radi nepravilne upotrebe ili radi nekvalitetnog rada ne preuzimamo nikakvu odgovornost.

Ovaj tehnički list dopunjava i mijenja sva prethodna izdanja, zadržavamo pravo na eventualne kasnije izmjene i dopune.

Oznaka i datum izdavanja: **TRC- 142/17-čad**, 27.11.2017



Uvoznik, zastupnik i distributer za BiH:

JUB d.o.o. Sarajevo

Vlakovo 3
71215 Blažuj
Bosna i Hercegovina
T: +387 33 692240
+387 33 692245
F: +387 33 692241
E: jub@jub.ba
www.jub.eu



Proizvod je proizveden u organizaciji, koja je nosilac certifikata ISO 9001:2015, ISO 14001:2004, OHSAS 18001:2015

